

欽定盛京通志卷之一百二十八

國朝藝文 十四

記 二 釋典附

表

贊

跋

欽定盛京通志

卷一百二十八

目錄

二

欽定盛京通志卷之一百二十八

國朝藝文 十四

記 二

聖駕四謁

祖陵禮成恭記

阿桂

皇帝膺

天成命四十有八年繹思

祖

宗興業造功以奄有九有之師啟無疆大寶祚景嗣

欽定盛京通志

卷一百二十八

國朝藝文十四

一

舊都神臯隩宅

山陵遂輦

陟降攸憑粵自乾隆癸亥甲戌以洎戊戌式循彝章三

修謁祭之禮隆儀茲宣

孝德光被迺者

特詔有司選和闐貢玉新作

冊寶格於

太室而以舊所奉者尊藏

盛京

太廟洪昭

列聖之丕庥顯光闡示無極將

遣皇子諸王等翊奉以行

皇帝曰朕巡省舊京肅拜

園寢於茲五年維艱難締構之緒夙夜常在朕心益宜

以時敬申報饗其以孟秋啟軫熱河有事於

三陵夙戒所司一如舊典迺五月甲寅

車駕發自

御園

欽定盛京通志

卷一百二十八

國朝藝文十四

二

駐蹕避暑山莊越六月丙子

詔以伏暑閔勞烝徒令太史改卜吉日

恩意滂浹歡聲雷動越八月壬申恭遇

萬壽聖節

上御淡泊敬誠殿諸藩從官入賀如儀越三日乙亥

自

惠迪吉門

啓蹕東巡蒙古科爾沁土默特諸部落皆除道成梁

奔走恐後所在塵肆櫛次生殖蕃阜一比內郡

縣塞田畝千鍾刈獲彌望咸感荷

聖朝涵濡休養之厚澤踞仰

羽蓋懽歌載塗爰循柳條邊以東入九關臺門將軍

侍郎府尹以下緣道迎謁各修乃守越九月戊

戌

車駕至

興京謁

永陵越五日癸卯謁

福陵若翼日甲辰謁

欽定盛京道志

卷二百二十八

國朝藝文十四

三

昭陵功臣陪瑩以次

賜酌祀事儼恪蕭薌肸升

神明居歆多福單厚乙巳

車駕入

盛京徧禮於

天壇

地壇

堂子

太廟

佐舊宮瞻視棟宇

皇情愴穆越三日戊申肆覲於

崇政殿朝鮮國王遣陪臣奉表起居鞠脛在列

賜詩褒錫慶賚有加遂大宴羣臣頒幣以差中外愷

樂若翼日己酉於

宮中行祀

神禮庚戌發自

盛京先是有

詔推恩給復奉天所屬租稅一年行所過者半之除

欽定盛京通志

卷二百二十八

國朝藝文十四

四

莊頭輸倉粟萬餘石旗地歲納米豆草束十之
五囚輕繫以上至徒流減免如例民男婦七十
以上優以粟帛廣博士弟子員額凡扈從王公
諸臣暨大吏羣吏之有執事於

行在者差別敘錄具準乙未己亥乙巳丙午節次指
授

行慶所逮羣倫靡不霑溉越五日乙卯次廣寧禮於
北鎮廟它若遼河渾河太子河秩在祀典者咸先
後遣官將事懷柔百神山川受職越十月甲子

次山海關禮於

北海神廟登澄海樓以望海馮夷奔越恬波效瑞

越八日壬申謁

東陵如初禮乙亥

車駕至自

盛京若翼日丙子

親享於

奉先殿告成事焉權自發軔熱河六旬有二日而

大禮轉備懿鑠顯融負古無尚臣仰惟

欽定盛京通志

卷一百二十六

國朝藝文十四

五

國家光宅大東以建我不丕丕基

神威燮伐震耀典冊

皇帝虔共昭事既日發金匱周覽本末灼知於

受命之原而猶不憚

屢駕之勤

巡行川塗諮度

聖蹟於赫圖阿拉見

煇造之勞於遼瀋見

經營之績於寧遠錦州松山杏山大凌河薩爾濟尚間

崖諸地見

皇天助順集勳制勝之所由然流連勤懇久而彌摯細
及一名一物亦必反覆覈證以毋忘先民淳厚
之俗用是摛爲

大文甄謨鑄雅

御製薩爾濟書事紀功勒實照燭宇宙旣

宣付刻石其處以詔無窮而前後詩章規重矩疊無
非懷

勩業之不易而益憬惕於

欽定盛京通志

卷二百二十六

國朝藝文十四

六

守成之難長言諄復盎溢楮墨爰

命諸皇子敬繕一通櫝而藏諸秘閣所

垂訓於億萬禩子孫者

睿慮深長實爲至詳且切若夫植根樹本崇飭典物
則有如

盛京諸

壇

廟舊領祠官隆壝周塼嚴翼無改復

命將作繕葺規模鼎新奉天所屬諸城歲久侈剏當

尊治者十有八

特詔大臣相視火發帑金撤而斃之植良土剛金湯
永奠四庫全書排葺告蕝復於

盛京建

文溯閣分部藏弄琅函玉笈奎璧增輝惟

聖天子眷顧邠岐於事神誠民緯武經文諸大政一
切修明百務具舉而

淵沖默運所以周暨於萬方臣庶者亦無不襲和紹
德推本

欽定盛京通志

卷二百二十八

國朝藝文十四

七

孝熙

宵旰勤咨彌昭

行健

臣

侍直樞禁日聆

睿訓仰見我

皇上體

祖

宗之心為心法

祖

宗之治為治寅承對越日昃不遑故能精意孚通受釐

集福

至仁達孝一以貫之固非徒豐鎬歌詩粉榆樂土飾
靡文而侈掌故者所克比擬萬一臣學質樸昧
愧無以率先館閣諸僚導揚

盛美而職領

起居注法當纂次事實以付史館不揣固陋謹件繫
月日撰記一篇竊附於記言記動之義曷勝悚
敢懼忭之至臣阿桂拜手稽首謹記

聖駕四詣

欽定盛京通志

卷二百二十八

國朝藝文十四

八

盛京恭謁

祖陵禮成恭記

有序

釋典篇

癸卯

吳省蘭

臣惟特禱殷祫揆同疇曩山原朝拜書缺有間

焉顧周官大宗伯之屬或司祭墓尚書大傳周
本紀皆紀武王上祭於畢馬融以謂畢文王墓
則其禮實椎輪姬室後漢光武謁長陵者三有
事十一陵者四孝明率履弗越致甘露降樹之
異和安以下舉亦僅矣自晉迄明時或修述第
史氏豔傳以飭儀度致感慕為極若循是釋源

締構勤劬政本翊裕萬禩者未之前聞臣嘗竊
怪太宗有唐令辟備衣饌欲荐陵寢迺召齊士
員謂從官曰朕若親行使勞扈從遂自抑止命
江夏王道宗代行嗣終唐世惟永徽一謁昭陵
開元一謁橋定諸陵而已意魏徵獻陵之對所
繇感發惜不能格非納善坐視其主數典忘祖
而不自知也惟

聖清肇域大東撫燾宙合

興京

欽定盛京通志

卷一百二十八

國朝藝文十四

九

盛京奉爲舊邦其山曰

啟運曰

天柱曰

隆業儲靈甄貺若神鼎之崢峙

三陵康焉

皇帝祇亮荃宰懋席蘿圖繩

祖武而追來孝自癸亥至戊戌三謁

橋山愛懋致誠錫羨閭澤

巡歷逾習優愾滋勲丹瑤陟降之原旃鉞指撫之棗

攷地徵事

宵旰係然錯事布宜是行是

訓惟曰欲至於萬年越歲癸卯符虞巡之五載爰蠲

吉日昭事

祖陵

上典於是乎四舉臣謹案五帝之書為典尚書堯典

傳言堯可為百代常行之道爾雅典常也經也

周禮六典疏常經即是法式臣以應奉文字為

職媿不能效揚推於萬一嘗伏讀

欽定盛京通志

卷百二十八

國朝藝文十四

十

聖製敬自尋闡仰見

冊寶有賄藏之

諾

壇廟有整葺之

諭巽瀆有新宇之

制城洫有葺工之

命秘閣有度書之

記藩服有柔綏之

詔胄筮有聰聽之

訓星潢有敦敘之

旨他若班朝錫燕優老譽俊練士校射蠲賦肆肯惠

農商卹行伍

紫綸所及萬彙春回然後展謁

東陵

回鑾告

奉先殿而慶大禮之成亦剏亦因法可世守堯羹舜糝
有典斯在竊不揆顛昧撰繹典一篇謹拜手稽
首以獻其辭曰

欽定盛京通志

卷一百二十八

國朝藝文十四

十一

於顯哉瞻仰大園消陽無計量相因爲氤相盥
爲氤垂有常象資始大生號物有萬熙於默成
疇弗報本返始而歸貺乎太清粵若獻智率親
率祖架劇仁義雖遠必追縣縣生之初謂篤不
忘廟以貌之君蒿肝蠻猶未足以偁誠幅而釗
精氣於所藏蓋以教敬致嚴勗無疆也芟芟鯁
需剽傳章句擊文泥古弗克緣情章禮宣範於
後柄鑿無所取材若訟是聚斲水窰源而誼迺
昌於建元典午崇陽之埵拓跋盛樂之塚仙李

三原之崩天水永昌之殊或敷或疏有舉莫敢
廢耶律完顏循典無黷元馭區夏朝起輦谷然
皆密邇圻甸或十舍五舍而遺地不必其開迹
志不必在攷憲毋慢焉已明徙其都睇鍾阜如
四極中葉以降昌平結轡彼太室之弗親尚遑
問夫神域限中外以一牆跬步弗踰庭戶趨起
不自照更遑恤締造之櫛沐風雨哉是用

上帝弗馨厥德迺東顧遼左將全畀所有而我

聖朝膺圖籙以龍興俄朶也伊古積善累德顯統運

欽定盛京通志

卷一百二十八

國朝藝文十四

十三

期景命長遠者莫過於蒼姬履武敏歆載造邵
室不窳棄稷自竄公劉厥之豳館允荒君宗是
依古公避薰育走馬岐下一傳再傳養晦遵時
遂前歌後舞施輕呂於垺墅義士猶或非之謂
口實不啻於升陲然而雅材繼作肇祀則陳卽
室匪康則緬涉渭遡漆沮之陶復述疆理於道
兌其詩曰無念爾祖又曰駿命不易一篇之中
三致意焉矧我

帝業之會昌也朱果靈醴孰與祈祓於郊禘三姓淪平

孰與爭田之質成赫圖阿拉之復孰與止旅於
芮鞠尼堪外蘭之盡孰與構讒於侯虎七恨之
齎仇孰深於串夷九部之摧功孰多於伐耆八
旗分屯軍孰整於三單三田受降信孰周於崇
墉

帝出乎震不崇朝而翦四路之旅天聰崇德繼奮

皇武既環躡其郊郭舍而弗取彼不數稔養癰自感君
抗憤以殉國臣歸命而乞師我

世祖爰命宗袞整旅入關雪其彌天之恥蠲我夙憾沛

欽定盛京通志

卷一百二十八

國朝藝文十四

十三

我新惠嗟生氓無主解水羣飛然後

御宸極而大居正繩契已遷易姓受命應運之際有如
是哉德若湯武猶有謙焉矣論豐沛與淮泗夫
坵中圖大宰世之權也追本敬始詒燕之禩也
載毫者僚景栢居鎬也恁原茶豈以西秦東約
殊哉憬惺乎肇造之機符也左遼右瀋

帝省溥原長白隆興

天作高山

列聖經營鼎於是成憑霄之所鶉豷精氣通行固萬葉

以爲量矣

章皇帝紹天闡繹鎮中區以運四維

仁皇

憲皇繼文繼武虔鞏洽乎重熙迺究

福壤辨陔邇圻因乎時也且我

聖祖功德大成枕矣晬矣樹神明之式愬戀滿珠曰維

初宅三厯

陪都誌永言裕維則也

聖考躬代事於潛邸十三年中貞度勅幾不俛日脩時

欽定盛京通志

卷一百二十八

國朝藝文十四

十四

蓋有所埃

皇上憇雲雷草昧之艱辛率

祖攸行發祥積慶洄測其源自乾隆八載殷禮肇稱緝

五朝之重光觀

四祖之丕靈涉山海之嶮隘履肅慎之墟陟景光橫甸

之臯考度三關之曷訪戰蹟於鐵背界藩斐芬

尚間吉林松杏呂翁山之厓采風土於威呼法

喇拉哈周斐額林帕格羅丹賽棊之緝優宗潢

藩部扈從留守陪臣髦俊耆耆武士之殊施秩

徧神肆覲賜酺簡軍行獮宥罰給復卹商之茂
禮旣備迺復洞洞屬屬如也越十九年再詣如
初四十三年

上儀三述視甲戌

天子謂敬以愛達禮以義程感以慕至情以性生謨
以達裕政以久成鑒古者邇不泄奉先者章弗
忘典莫切於上

陵也

重巽以申之後甲先庚諄迪雲初億禋欽承迺定三

欽定盛京通志

卷二百二十八

國朝藝文十四

十五

載

簡命皇子朝

三陵之典而斯嗣舉於十數年然而

乾行之健無息

大孝之慕不遷蓋推敬

祖者以格上下神祇卽推法

祖者以究保聚休養以重墳周塋將作具曄也靈川秀

嶽祠官肇庀也嚴闈饒堞金湯申鞏也帑庫廩

倉筦鑰脊董也四庫全書籤厨再就殿閣曰

文溯於過澗之義湊焉闡河貢璆俶篆
懿號侯其禕而迺祇晉

世室馳昔璩於舊京之

闕宮禮惟時惟稱惟宜也既以翊奉

命寶胄親藩侑焉容臺又之

皇帝曰時哉朕瞻拜

園寢五稔於茲夙夜繾綣動台志其練吉親往報饗爰

諏孟秋自

避暑山莊啟趨

欽定盛京通志

卷一百二十八

國朝藝文十四

七

帝厘行扈烝徒之涉霖滂冒暑暘也期展八月屆時

日月會於壽星諸藩從臣矚景抃蹈呼

萬歲賀

聖節越既望

斗車東轍高涼載塗塞寓激磻由

惠迪吉門指柳條邊而進發蒙古四十九旗扎薩

克各司其屬歡呀拜匍入九關臺門奉天宗臣

統軍卿尹庶尹奔走伏謁咸述厥職九月戊戌

謁

永陵癸卯謁

福陵甲辰謁

昭陵酌及陪坐當是時霜露既降

皇情怵然通微合漠如存如生目相形留民無能名
至誠乙巳

車駕至

盛京

園丘

方澤

欽定盛京通志

卷二百二十八

國朝藝文十四

十七

堂子

太廟咸致禮焉迺翕翕習習還

莅舊宮十亭翼如二木崇如循省

堂構豐規廓闔入室出戶儼若饜假

音容函香裸鬯徧於方望迺

御崇政殿大朝會朝鮮國王使臣奉表起居在列蹈

舞班末蕭露繼潛霏雲累霄象泰之交孚兌之

說類親賢樂利之情示勞來匡直之惠十賚肆

施若甘霽霈淶澤醴郁視昔加渥焉於是周親

卿士百執事相和而歌曰練時日兮

駕巡東徠

珠邱兮精禋通幽居憩兮朝鄩宮闕

南端兮降福崇浹

慈惠兮懋賞重神人蘇兮四海同候人曷吏相率而

歌曰畢司灑兮箕司除肅輿衛兮

帝之謨吾何力兮

賜級都慎扛守兮襄區區膠鬲序塾之子挾冊而歌

曰景

欽定盛京通志

卷一百二十八

國朝藝文十四

六

成謨兮閣鳳翔猗作新兮

文溯光員增廣兮勸就將惟

壽考兮作人長子衿青兮民之望僉有造兮峩奉璋

旗莊編戶之眾操業而歌曰

堯留韭兮

禹留糧歲四鬴兮胥樂康

曾孫甸兮富予藏蠲復蠲兮箱斯倉稱

萬壽兮濟公堂鶩孝弟兮力田履韎韜服之士擊

刁斗而歌曰右鉏耜兮左斐蘭維弧矢兮夙所

便

德威鬯兮包垓埏偃玉鈴兮職負籟備不虞兮於久
安旅暉暉兮武桓桓奏爾能兮

皇情歡優精廩兮九府園酬

渥惠兮爛軍團齟齒飴背之空奉粟帛而歌曰牢執
豕兮酌焉匏享泰平兮如春醪近

天顏兮承嘉褒祝

聖壽兮

高高億萬歲兮偕忻翹飛

欽定盛京通志

卷一百二十八

國朝藝文十四

十九

翠華兮曳雲梢矜疑省釋之徒脫縲綆而歌曰園之
土兮福之堂犯有司兮喘不遑

堯日宥兮踰所望劇自懲兮順棗常懿景爍頌聲作
猶且循枌社考茨椽勅

萬幾酌民言裁豁山而渙號難霞縹以披章勤勞七
起紹衣詮詳維巡之初

賦以昌之義用昉彰長言不足
詩以永焉總再至三至四至而

家法治法彌闡大績繫年駢輯

申命天潢蓋勸九歌俾弗壞之義也沛宮父老南陽
故舊依戀

翠趨雲瞻日就

皇上俯鑒蓋誠

玉鑾爲之宿留迺履疊道之坦蕩摹戰圖之岨巖班
鬱秩川邇迤入關翼翼舒舒循薊門而朝乎

東陵禮率初孟冬旣望

蹕旋京師告歲事於

祏室謂通於神明光於四海者也

欽定盛京通志

卷一百二十六

國朝藝文十四

三

緒業肇躬篤丕丕基

聖有謨訓信如四時剛雅輯頌炳蔚來茲彼重來上
陵之曲麥穰神怪推媿漢儀以昔視

今若白芨之料大椿不已尅乎乃賡載歌曰闔門
基祥存

原囁焉翊衛

陵園視京輦焉

仁祖勤止訃謨顯焉

聖皇丕繩甄美善焉於萬斯年繹成典焉

表

恭進

盛京通志表

汪由敦

臣等奉

勅纂輯

盛京通志恭呈

欽定繕寫告成臣等謹奉表恭

進者伏以

皇猷建極瑤圖尊天作之區

欽定盛京通志

卷一百二十六

國朝藝文十四

三

聖治崇文寶冊煥帝臨之宅載堯封之井邑秀孕丹

陵記漢服之川原祥鍾白水萬世丕基鞏固一

時鉅典光昭珥筆為榮垂紳共慶竊惟泰皇畫

野制八土以居方顯項分疆度九區而定地迨

版章之益廓侯甸星羅遂誌乘之紛傳簡編日

積妣王治水廣搜岳瀆之奇伯益作虞遠志海

山之怪定職方之掌載在周官輯地理之書昉

之班史諸道成經於隋代兩京續記於唐時宋

改軍州誌太平之寰宇元臨中夏紀混一之方

興他如咸陽三輔之圖以逮曼倩十州之記敘
桂林之風土亦備叅稽識荆楚之歲時且資考
鏡莫不垂之故府藏以名山況夫景命方隆載
溯發祥之地神臯永奠遠維肇迹之邦瞻松栢
之丸丸亳都作頌撫枌榆之厯厯漢社標名啓
運鴻篇令典成於勝國承天大志嘉名號曰興
都厯披往籍之遺快覩

熙朝之盛欽惟

皇帝陛下功齊疇載德協苞符探星影於河源化孚

欽定盛京通志

卷一百二十八

國朝藝文十四

三

有截覽日華於海島光被無涯固已萃一統之
車書備萬邦之圖籍迺

念藩陽之域實爲

王氣所鍾迺肅慎之分封暨公孫之割據貞觀耀兵
於唐壘明初設衛於開原沿及

本朝巋然都會鴉青啓瑞河山開百代之基鴨綠
凝祥風雨壯三韓之勢比周京之岐畢梓木千
尋擬唐室之晉陽李花一樹顧此秀靈之壤可
無紀載之編乃前朝之舊志雖存旣嫌荒略

昭代之成書具在復涉煩訛爰

降明綸重修善本期體裁之簡當載筆綦嚴約部分

於整齊操觚特慎發凡起例規撫悉稟乎

睿裁別類分門摭採盡衷於

欽定首登

聖製如尚書之冠典謨次列京城若下武之歌豐鎬

由

廟

壇而

欽定盛京通志

卷一百二十八

國朝藝文十四

三

陵寢挈領提綱繼星土與山川辨方正位郡統邑而京

統郡人次地而物次人自戶役以迄兵防經綸

大備由忠孝遞推列女幽顯咸昭風俗淳龐兼

法輜軒之採藝文典貴並供石室之儲韶律頻

更韋編幾續志

龍興之重地纂成適遘辰年垂虎炳之宏文書就先呈

乙覽鐵州鐵嶺皇哉全盛之規玉軸牙籤允矣不刊

之典臣等才慚吐鳳學愧囊螢欲賦三都徒構

思於十稔未窺八索敢托業於千秋幸承

訓示之詳得卒編摹之役按圖改證如遊石紐之鄉
執管鋪張恍見玉瑤之舊伏願

珠囊朗揭

金鏡高懸念櫛風沐雨之勤無忘繩

武思航海梯山之盛更切詒謀咏流火於吹幽剝棗烹

羊懷舊俗溯胥原而陟嶽酌匏執豕繼休風將

見龍負王舟重集萬方之玉帛龜呈神籙再凝

五福於圖疇矣臣等無任瞻

天仰

欽定盛京通志

卷二百二十八

國朝藝文十四

二十六

聖激切屏營之至

贊

御製盛京賦贊

癸亥

汪由敦

丹陵蒼蒼京邑煌煌我

皇至止龍旗洋洋肆覲

橋山祀事孔明載

臨鄩宮有秩其容以朝以晏以詰戎兵儀舉禮備風

翔

恩滂爰灑

宸翰經緯宮商攬藻雲漢濡毫溟滄舍跨東馬陶鑄
班揚筆不停綴蔚爲

天章昭示萬古何天之龍傳觀駭汗盥誦激昂敬勒

籀篆冀託無疆

跋

御製盛京賦恭跋

癸亥

汪由敦

臣等伏蒙

皇上宣示

御製盛京賦三千三百餘言

臣等依文輯注統若干

欽定盛京通志

卷二百二十八

國朝藝文十四

三五

萬言仰見

睿藻裔皇暉麗雲漢函宇宙綜古今炳典謨鎔圖籍

自書契以來著作之府鴻章鉅篇未有盛於斯

者也洪惟我

皇清凝受

寶命奠億萬載丕丕基肇迹神臯撫臨中夏

發祥流慶實始

盛京

臣

等竊嘗誦詩周文公召康公推述先王先

公之始基靖民自有邠漆沮皇澗過澗陟降原

隰以至作豐遷鎬築城度室之事臯門應門靈
臺辟廡之宏規于耜築場索綯祭韭執豕酌匏
之均俗微而松柏厲鍛周原堇荼囿鹿潛魚備
形於雅頌凡以明著祖德遐暢皇風薦扶輿之
嘉祉葦繼序之永圖豈徒侈都邑之隱軫誇陸
海之膏腴鋪張炫耀藻賁翰云爾哉欽惟我

皇上纘

列聖之鴻緒際三登之景運聿修懿典時邁舊京備法

駕奉

欽定盛京通志

卷二百二十八

國朝藝文十四

三

金輿罄厯載之積誠謁

橋山而展孝禮成肆覲會同有繹以燕以賚中外禔福

望

幸之黎庶聞

和鸞而歡呼扶杖之耆老瞻

翠華而相慶

祖宗之靈斯格臣民之和允洽於是本覲

光揚

烈之忱溯

基命造邦之統攬形勢之渾雄仰宮闕之素樸緬英賢
之勲績懷德化之忠厚華實之毛充物澍濡之
澤鴻厯穆然

遠念知夫天作帝省之勤所以孕虞育夏甄殷陶周
者厥有所自爰抒

寶墨揆

奎章思若湧泉筆不停綴勒爲斯賦垂示無極乾坤
之容日月之光雲霞之采海山之藏觀化工而
雕績纂組不足以爲色聞韶濩而鏗鏘考擊不

欽定盛京通志

卷二百二十八

國朝藝文十四

三

足以爲聲彼研京十年練都一紀者曾何足以
仰企萬一哉臣等徵金匱之秘籍延閣之儲旁
羅四庫綴緝二酉疏舉徵引多慚漏畧附名簡
末榮以爲愧臣某等敬跋

御製薩爾濟書事恭跋

戊戌

于敏中

臣聞之書云皇天無親惟德是輔春秋傳云師
克在和不在衆伊古經營締構厥軌咸具其有
能天人叶謀者蓋寥乎罕紀焉洪惟我

太祖高皇帝受

天明命肇造區夏時則有若薩爾滸之戰以我有衆數
千感明兵四十萬

神筴協幾心德合一若林之旅罔有敵於我師於是蹂
之尚間崖膊之斐芬山翦之阿布達哩岡殪厥
大帥殲其士殆盡浮觝塞川喋血殷野走葉赫
降句麗會不越五日晦而剗無遺子若摧枯振
擗之易臣嘗稽揆史冊惟漢光武昆陽一戰爲
得天助然光武猝與敵遇會大雷雨幸以成功
孰若是役之屢戰克捷我武旣張若反風揚沙

欽定盛京通志

卷二百二十八

國朝藝文十四

三

之異

天特於終事時假以示應固非昆陽之戰所可同日語
矣我

皇上繹思

祖烈祇迪

前光追維

櫛沐之艱難丕顯

成謨非漢唐開國所能及爰紬金匱石室之書

親御丹毫臚詳紀實於赫

神功惟

聖克述凡

欽承之本念蓋一篇三致意焉亘古未有之

偉烈緯以亘古未有之

大文俾天下後世咸知

國家集勲垂統震爍古今其至於億萬年永念無

斃以鞏我不丕基而我

皇上嗣服纘圖義征不讓機鈐

獨斷默契傳心所為以守兼創者其凝承固有所本

欽定盛京通志

卷二百二十八

國朝藝文十四

三

耳惟是

鴻文副在秘閣海內無由悉觀臣不自揣量輒盥錄

一通刻諸貞珉昭示無極而臣區區欽服微忱

亦藉以抒寫萬一云

欽定盛京通志卷之一百二十八